

文恭公實錄

夏

庫文門内		
二四九函一五架	三五四八五冊	和書類

86

内閣文庫	
番號和	35485
冊數	4 (2)
函號	149 42

史



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




樹
86

文恭公實錄

夏

公實錄卷之二

夏



公實錄卷之二

備後新赤五弓久文撰

享和元年辛酉正月十四日當遠祖大光公贈鎮守

府將軍新田義重六百年忌辰修法會于上野大光

院錄參取芸窓小是日賜時衣二襲于儒負古賀

樸以學政修舉故也參取古賀樸行十五日守

山邑主松平民部大輔頼慎獻祖大學頭頼寛所著

大三川志一百八卷公瀏覽動容賞之參取松陰早

清々舎二十八日遣書院番頭松平信濃守忠

明勘定奉行石川主水正忠房目付羽太庄左衛門

正養、開拓蝦夷、窮滿洲地方、烽埃相望、邊境獲安、是
役、常陸人間宮倫宗應募而行、經葛刺勿土渡黑龍
江、抵山海關、不得入而歸、參取近世年表、松陰年錄、
休明光記、見間鈔、賴軒書
目、大平年表、二月五日、改元享和、
參取野史、和
漢年契、續王
代一覽、新三月五日、元妃嶋津氏臨濱苑、續王
代一覽、新
十四日、天皇遣使奉宸翰宣命于伊勢大廟、
野史、十八日、元妃嶋津氏臨西城、續王代
一覽、是
月、命伊能忠敬測量豆相常總及陸奥沿海、參取伊
能忠敬
碑、字津老
人物語、是春、有一夷船漂抵紀伊港、官命有
司、護送諸長崎、參取外國年
表、芸窓小錄、四月二十二日、側

室速成夫人與津氏生女、若年寄京極高久奉命、名
曰亨姬、參取松陰年錄、大
平年表、列侯事譜、二十四日、觀布衣以
上寄合番士武技于白書院、續王代
一覽、五月五日、
甘露降于近江長濱木元諸邑、甘露
解、是月、增修
淺草本所倉廩、大平
年表、六月七日、老中太田資愛
免職、參取續王代一覽、松
陰年表、十三日、賜馬標一疋
于儲君修故典也、參取松陰年錄、
續王代一覽、二十一日、今
出川前內大臣實種薨、參取羽山
日鈔、野史、二十四日、下
賭博禁令數條、參取見聞鈔、
太平年表、是月、出羽土寇大
起、抵山形上山高畝城邑、毀巨高豪民家、勢焰難當、

陸奧國主伊達周宗、米澤國主上杉治廣等遣兵平之。參取大平年表、松陰年錄、續王代一覽。七月十一日、京都所司

代牧野忠精為老中、寺社奉行、土井利厚為京都所司代。參取松陰年錄、續王代一覽、享和日記。十九日、禁農高不經

官允私稱姓氏佩雙刀。松陰年錄。八月二十九日、當東照公大母傳通夫人水野氏二百年忌辰、修法會

于傳通院。松陰年錄。九月朔日、儲君受弓術于福村理大夫正尉馬技于諏訪部文石衛門定昭。參取虎杖園雜

纂芸窓小錄。九日、側室妙操夫人梶氏生男、若年寄京極高久奉命名曰菊千代、曆蓋以本由菊花節會

也。參取續王代一覽、松陰年錄、見聞鈔。二十五日、儲君臨田安侯

德川齊匡郎。參取續王代一覽、松陰年錄。二十八日、儲君四書句讀完業。參取大平年表、松陰年錄。二十九日、伊勢人本

居宣長歿、宣長號中衛風志、國典深嘆世儒斥皇朝尊西土者、著書以折其志、宣長嘗欲獻古事紀傳于

天朝、王人以布衣之著、不可瀆天覽、不奏、至數十年之後、仁孝天皇居恒閱古事紀傳、不離御座、世以為

身後榮。參取蕉陰芸話、本居翁圖像小傳、古道大意。是月、命秋月城主黑田長舒許啓行双槍。參取松陰年錄、秋月候碑。十月七

日、命長嶋城主增山勇之丞正寧、獻伊勢三重郡一

萬三千石之封地換賜之以本州鈴鹿三重二郡地
草和十一日命郡山城主松平甲斐守保光獻
日記伊勢三重鈴鹿二郡一萬三千石之封地換賜之以
大和河內官邑享和十一月二十二日天皇奉
日記內侍所三夜神樂史野二十六日天皇奉幣于加
茂遷祀別雷神于正殿史野十二月四日先是代
官大草太郎右衛門有罪放流海嶋子紋右衛門從
父配所待養備至嶋民感稱事聞召還赦父罪賜俸
米百苞于紋右衛門列小普請松陰五日天皇
奉幣于貴布稱遷祀其神于正殿史野九日課備

前國主池田齊政柳川城主立花元近將監鑑壽俊
大川助工役參取續王代一十日天皇奉幣于
加茂遷祀御祖神于正殿史野十二日賜時衣三
十襲于安藝國主淺野齊賢以後羨濃伊勢尾張諸
川也參取松陰年二十五日日有三疊暈武江
錄列侯事二十九日命大坂城代青山忠裕獻丹波桑田
郡六千石之封地換賜之以攝津之地享和
二年壬戌正月元日江戸大火續王代二十五
日賜死西城書院番士弓削弥右衛門以失心殺其
兄雄心也續王代二月二十三日肥後國主世

子細川六之助叙從四位下兵部大輔任侍從加首

服于公前賜偏諱曰齊樹更賜羨濃兼定鍛刀一口

參取列侯事是月始置箱館奉行二員以羽太

安藝守正養戶川筑前守安倫為之班並長寄奉行

管轄蝦夷大田直次郎輩謂人曰松前氏累世管轄

蝦夷恩威並布撫馭兩宜今大府以不閱事之新尹

換之非完計也吾恐異日必噬臍矣後果如其言參取

松陰年錄大平年表春夏之交天下癘疫大行

蕉陰茗話甚窓小錄四月九日問安于一橋侯德川治濟郎參取

大平年表續王代一覽松陰年錄大平年表

二十六日觀兩番士小普請

士武技于白書院續王代一覽五月七日側室寶池

夫人水野氏生女若年寄京極高久奉命名曰舒姬

參取虎杖園雜纂松陰年錄見聞鈔大平年表六月二日明和中銅阿

波國主蜂須賀重喜至此而卒其子治昭請追赦父

罪乃允之初阿人厭重喜之苛暴詠日柄雀歌譏之

以其短視也參取梅嶺日記列四日亨姬卒益

曰唯乘夫人參取崇廟祭名錄大平年表松陰年錄見聞鈔六日賜金

三錢時衣二襲于村上三郎右衛門以蝦夷巡視之

功也松陰年錄二十九日江戸及近邑大雨洪水續

代一覽七月朔日近畿大雨洪水覆沒民廬死者

法親王勸修寺
寬寶五

無數參取夢之代五日、側室真行夫人中野氏、
生男、半胎而墮參取松陰年表是月、山城攝津再
大水見聞八月朔日、有食之曆十二日、船
手頭向井將監免職、命目付松平伊織董船艦之役、
松陰年錄九月八日、當後明公十七年忌辰、修法會
于寬永寺、是日、會法衆讀經筑後國主有馬賴貴將
謁廟有司禁之賴貴不聽遂謁之、老中戸田氏教傳
命讓責其失體、杜門謝罪參取松陰年表是
日、親王伏見邦賴薨史野二十日、西城老中、水野
忠友卒、享年七十二歲、忠友治駿河沼津、天正中高

坂源五郎所據、慶長中甲寅歲城墟安永丁酉歲、命忠
友重修之參取續王代一覽松陰年錄、二十八
日、公親特賜波平宗行鍛刀一口于本城老中安藤
信成、為西城老中參取續王代一覽十月六日、命
沼津城主水野忠成許啟行双箱松陰年錄十九日、
京都所司代土井利厚為老中、淀城主稻葉丹後守
正謀為大坂城代參取列候事二十日、臨尾張
侯德川齊朝邸并妃淑姬郎松陰年錄是日、責罰筑
後國主有馬賴貴臣松岡平次郎辰方、以撰服忌便
覽也參取續王代一覽是月、攝津住吉廟災和漢年契

十二月四日觀角觥于吹上苑老中若年寄以
下有司陪觀焉續王代十四日近歲大稔許釀

酒定額外更多之至此命仍舊貫蓄定額十一以備

歲凶松陰年錄十六日更賜俸米千五百苞于箱館

奉行羽太正養戶川安倫資任職之費大平年表二

十七日放鷹于大森六鄉續王代

三年癸亥正月十六日天皇修紫宸殿承明額特

命書博士岡本甲斐守保孝書之已而又奉幣于住

吉廟蓋謝罪災也參取野史增補節用集二十二日天皇

奉幣于伊勢大廟野史二十六日遣寺社奉行賜

坂安董于駿河修久能山東照公廟松陰年錄閏月

十五日賜時衣于阿波國主蜂須賀治昭佐土原城

主嶋津淡路守忠持蓮池邑主鍋嶋甲斐守直温肥

後支封細川能登守利庸以浚東海道及甲斐信濃

諸川也列侯車營十八日問安于一橋侯德川治濟

郎續王代二月五日遣勘定山田大吉巡視東

海道諸驛画全圖以上呈焉松陰年錄二十二日命

大駕謁寢廟寬永寺則也衛于黑門外增上寺則也

衛于前後二門外松陰年錄二十八日命秋月城主

黑田長舒攝鎮長崎以宗藩長順幼冲也列侯事營

是月攝津東生郡九條村民獻白雉參取野史和漢年契新撰年表

見聞鈔三月四日舒姬卒謚曰威光夫人崇廟祭名錄

十三日公臨尾張侯德川齊朝郎參取松陰年錄續王代一

覽大平表十六日觀大的于吹上苑續王代一覽二十四日

十八日臨田安侯德川齊匡郎續王代一覽二十四日

賜金帛于小性組番士十六人以其學行兼茂也松陰

是月植朝鮮人參于下總諸邑以供官用江武

四月十六日觀番士小普請士武技于白書院續王代一覽二十四日一橋侯德川齊敦妃藤原

氏薨謚曰靖安夫人二條公光大臣治孝女也參取崇廟

祭名錄御三卿續柄見出二十六日禁私高會律蠟燭松陰

是月天下麻疹大行比戶染疾許減諸侯麾

下騶從之定額參取松陰年錄五月九日側室寶

池夫人水野氏生男不育謚曰真空公子參取崇廟祭名錄松

陰年錄大平年表二十七日法親王故輪王寺公延薨

公延者親王閑院典仁子也桃園天皇養為子後為

法親王公遵嗣參取輪王寺御門主御畧譜熙熙堂日記續王代一覽見聞鈔

七月七日禁麾下之士及小吏上書請養子嗣後其

文或假人手代書之爾後必親筆以呈焉松陰年錄

二十四日辨柄國夷船一隻抵長崎外紅毛夷人請

通商不允長崎雜記二十九日、桑市法華僧日道、

々本上國男娼也、為江戸谷中延命院僧所幸、後削

髮住持其寺、有姿貌累姦婦女事聞、必斬、先是一官

医女仕後宮、託祈禱會諸密室、發覺其父手刃之、取參

太平年表見聞鈔、松陰八月二日、側室速成夫人

曾根氏生男時之助、取參松陰年表續王十一

日、尾張侯德川齊朝自平川門上城賜謁於便殿、續王

代一覽九月朔日、褒獎松本城主松平光行、賞預

所治續也、錄參取松陰年二日、呂宋夷船漂抵陸

奧磐城郡黑瀬、護送之長崎、外國年表二十三日、問

安于故一橋侯德川治濟郎、錄參取松陰年十月

二日、夜江戸灰大降、武江年表五日、天皇當後桃園

天皇忌辰、修法會于清涼殿、野史十五日、側室妙

操夫人梶氏生女、壽姬、取參松陰年表十七日、豐

前人前野良澤歿、近時唱西洋學者、以良澤為嚆矢、

前野良澤碑十八日、江戸黃霧四塞、咫尺不辨、取參武江

年表續王十一月二十九日、夜江戸大雪、續王

代一覽十二月九日、側室真行夫人中野氏生女、淺

姬、取參松陰年表二十一日、以若年寄京極高久

顏老命免從大駕于謁廟臨郊、列候事二十二日、

老中松平信明免職列侯事二十四日賜銀七錠

于医員小野政博以講書于醫學館也小野蘭山碑

二十五日賜時衣于出石城主仙石越前守久道津

和野城主龜井隱岐守矩賢以助修久能山東照公

廟也列侯事是又清商船漂抵伊豆下田至明春

官命護送之長崎表參取外國年表

文化元年甲子正月十三日命紀伊侯徳川治寶觀

濱苑列侯事二十二日京都所司代青山忠裕為

老中大坂城代稻葉正謀為京都所司代忍城主阿

部正由為大坂城代參取松陰年錄續王代一覽文化武鑑二月

十一日改元文化和漢年契三月十四日天皇遣四

过左近衛權中將藤原公說奉幣于宇佐廟及香椎

祠是行公說過安藝召見頼弥太郎惟完徵詩春水行狀

十五日賜時衣七襲于寺社奉行脇坂安董以

累歲奉職弗懈故也參取松陰年錄列侯事二十三日狩

于八貫野目付永井鞞負揮槍斃走鹿誤鋌同寮飯

塚主水因免職參取松陰年錄續王代覽四月二十

三日公及儲君聽三奉行折獄于吹上苑松陰年錄

二十八日命諸有司處事不由舊武者預諮老中而

決裁焉松陰年錄五月米價極賤參取大平年表見聞鈔松陰年錄

窓小

六月朔日命新修等樹善光國奉三寺于

蝦夷

參取續王代一覽大平年表松陰年錄

是日公臨濱苑乃泛

舟眺觀者久之忽黑雲全涌迅雷大雨如行濃霧中

侍臣無人色申牌天氣澄清歸大城續王代一覽

日本庄城主六鄉佐渡守政純邑地大震垣壁頽墜

邑民多壓死貸金二千兩以賑給焉參取松陰年錄續王代一覽

平年表和二十四日壽姬卒謚曰蓉香夫人參取

崇廟祭名錄大平年表見聞鈔松陰年錄七月二日責罰故長嶋城

主增山正賢正賢為人天真爛熳致仕放情酒画頗

不檢細行遂係吏議云參取松陰年錄列侯事薈文化日記續王代一覽

六日先是魯西亞蠻主阿禮氣依牟渡留遣其臣

礼充能登留船載我仙臺漂民四名抵長崎貢大鏡

自鳴鐘虎皮象器及火器等數什上書請通販其略

曰本國遼遠從前不與貴邦接然自天視之四海一

民萬物同躰宜永通商以修隣交令長崎奉行肥田

豐後守賴尚成瀨因幡守正定目付遠山金四郎景

晋等馳檄于肥筑諸侯備兵艦守焉然後召蠻使于

長崎立山假館傳命曰我邦上古通信之國不欺至

慶元時以其不便事体下厲禁特許唐山朝鮮琉球

紅毛之船下碇崎陽是非利互市唯以不可遽背歷

世通信之誼也。如汝國從前未嘗有通一介之信也。曩歲護送我漂民於松前，且請通商。當時已諭國禁。今又抵長崎，申前請。然此事萬々不得許。我雖非不知修交，顧風土異宜，情意不相協。若欲得勸心，反啓爭端，不如絕信。商之為愈也，豈可以汝一介使令之故，更革我歷代之法乎？禮貴往來。今我受汝所齎之土宜，不報則人將謂無禮之國。若私許通商，凡海外蕃國林立於西間者，陸續請我，々何以拒之？夫互市之利，似有無相通。然自我論之，得海外無用之器，換我邦必需之資，不可。况有高賈射姦利，則其傷風蠹

俗亦匪細。要非良圖也。已不定互市之約，唯欲通信固在所禁也。朝廷之意如此，汝爾後勿復來，速辭去。令畢，更與米塩酒菜鷄豕等食料，悉却所獻之物，不受。蠻使不得要領，快々解纜去。參取長崎雜記、大平年錄、北陸紀、憂王代一覽、恭公志料、見聞鈔、清々舍日譜、寄樂画房叢書、二十一日、參取大平年表、松陰年錄、續王代一覽、燾之邑，以其詆議時政也。參取大平年表、松陰年錄、續王代一覽、八月十三日，西城若年寄松平乘保，轉為本城若年寄郡上城主青山幸完，為西城若年寄。參取文化武鑑、松陰年錄、十五日，命諸侯除守郎吏外，勿謁老中裁

列侯
事營

決處事

松陰年錄

二十四日命若年寄井伊直朗為

城主格以累勲也

參取列侯事
蒼松陰年錄

九月遣留守居

駒木根大内記政永目付土屋帶刀廉直于京都為

儲君聘親王有栖川織仁女樂宮喬子為是淨觀元

妃

參取虎杖園雜纂松陰年
錄文化日記續五代一覽

十月四日薩摩國

主世子嶋津某叙從四位下豐後守任侍從加首服

于公前賜偏諱曰齊興更賜羨濃兼重鍛刀一口

參取

列侯事蒼松陰
年錄文化武鑑

是日高須邑主松平攝津守義

居卒諡曰廣恩公義居故一橋侯德川治濟第十子

出為彈正大弼勝當嗣也

參取松陰年錄御三家御
續柄見出崇廟祭名錄御

三脚御續柄見出

柄見出

二十二日儲君元妃有栖川氏抵大

城踰月移居西城初元妃之來也公為修其寢殿命

侍讀成嶋勝雄撰錄古人善言良行命画師狩野惟

信子采信画之貼諸障屏重命勝雄輯錄其典故曰

古事詳說使近臣讀之蓋資啓沃也

御實記

二十

九日令諸侯麾下換移居第者繪郎圖請上裁蓋便

照檢也

松陰年錄

十一月十七日命祭酒林衡儒員

柴野邦茂尾藤孝肇古賀樸議答虜夷事宜衡等連

署拒通商通信數條以上呈焉

林祭酒三博
士御答書

二

十二日大内南殿橘樹槁詔移植廣橋前權大納言

藤原胤定庭中播樹史野二十三日出雲國主松

平鶴太郎叙從四位下出羽守加首服于公前賜偏

諱曰齊恒更賜加賀清光鍛刀一口參取文化日記

年錄文是月林肥後守忠英為側衆文化

十二月十七日天皇以石清水廟成遷祀其神于正

殿野史二十九日賜八丈絹三純于若年寄京極

高久免領經費以頽老也列侯先是建經閣于

增上寺初東照公賜一切經于本寺主僧存應至此

新修庫藏之紀伊侯德川治室賦詩落之三緣

二年乙丑正月五日有白氣起西南及東北其貌如

竿參取武江年表見聞鈔十一日常陸候德川治保召飲

其臣于彰考館時梅花盛開儒臣立原萬折梅花猷

之乃館中浪華梅也治保欣然曰寡人嘗夢梅非尋

常種此花酷肖夢裏觀不亦奇乎於是君臣賦詩相

和尚古閣賜二月二日命治保及適孫鶴千代

磨觀濱苑松陰六日禁高賈私醫舶載物松陰

十三日峯姬許嫁常陸候嫡孫德川鶴千代磨

更賜備前長光青江吉次雌雄刀文化二十日

故老中太田資愛卒參取松陰年錄三月九日

妙法院法親王真仁薨雲琴翁十六日天皇當

桓武天皇十年忌辰、修法會于延曆寺。史野 六、二十

八日、近衛公内大臣基前、罷左近衛大將。史野 三

十日、法親王妙法院、荒茶門主、三寶院高演來聘。史野

四月朔日、九條公權大納言輔嗣、兼左近衛大

將。史野 二日、天皇當鳥羽天皇六百五十年忌辰、

修法會于安樂壽院。史野 二十六日、臨觀麾下之

士、試弓馬劍槍武技于白書院。續王代 五月五

日、儲君行掇甲之儀。松陰年錄 六日、禁私高銀器。松陰

年錄 十五日、增賜封額于弘前城主津輕越中守

寧親、為七萬石。參取松陰年錄 十九日、賜金一萬

兩于對馬國主宗義、供接韓之資。參取列侯事

是月、故紀伊侯德川重倫、請謁伊勢大廟、允之。松陰

年錄 先是、下令禁放煙火于民戶稠密處、又令曰、

近歲、閔左之民、徃々招聚游士、專講武技、或結黨毀

怨家、傷俗、懈農、其害匪細、爾後、若不改轍者、加嚴戮、

文化 六月二日、命薩摩國主嶋津齊宣、河越城

主松平大和守直恒、中津城主與平大膳大夫昌高、

岡城主中川修理大夫久貴等、修東海道驛路橋梁、

松陰 四日、貸金一萬兩于齊宣、供琉球入貢之

資。列侯 七月十二日、課土浦城主土屋保三郎

寶親王兩院典仁
親王也母曰恭禮
院一傑公弟香女也

寬直、後東海道及甲斐信濃諸川列侯二十九
日、會津城主松平容頌卒、謚曰欽文公、容頌嘗撰童
訓、意在寶踐、封地多險隘、艱運搬、容頌疏濬一水、以
達越後、於是、易民感戴焉、欽文靈神墓碣銘二十一日、
故老中阿部正倫卒、謚曰熙德公、見聞二十五
日、以丁卯歲、當源氏始祖經基八百年忌辰、賜銀錠、
助修其祠、又命裔孫為列侯、麾下者、出銀資香火焉、
松陰年錄八月七日、法親王妙法院堯恭薨、勅賜那
羅延院、宇氣良加波奈閏月朔日、受列侯拜賀、從寶永
七年故事也、文化九月十四日、公子時之助卒、
白記

謚曰天淵公子、參取大平年表、松陰年錄十月十九日、遣目
付土屋帶刀廉直、勘定吟味役松山總右衛門直義、
于對馬、松陰年錄是日、賜時衣于助修紅葉山東照
文昭有章、惇信四公廟、列侯事二十四日、特
賜謁于會津城主松平容象、曰、卿祖容頌、積歲奉職、
弗懈、為列侯領袖、一朝舍孤而卒、卿雖孱弱、聿修祖
德、勿墜家聲、亦孤之願也、容象拜言而退、文化
二十三日、天皇修安鎮法於便殿、野史十一月朔
日、常陸侯德川治保薨、謚曰文公、遣老中牧野忠精、
賜賻銀五十錠于嗣侯治紀、如故事、治保為人惇謹

好學廉惠得民嘗慨二世祖光國所建夷齊廟罹災
安永己亥歲新修其廟紀伊侯德川召負義其學命
名工小笠原逸齋彫神主且撰文以貽之治保奉祖
業與廢典率類此參取南苑瑞德記忌日便覽崇廟
條名錄文化日記松陰年錄列侯
事十九日若年寄立花種周有罪免職屏居尋
而致仕視書院番頭秋元年人頭保朝大目付久保
田縫殿頭長考子孫太郎職流刀工嘉次右衛門子
海嶋並坐其罪也參取松陰年錄續王代一覽二十二日奏
者番小倉城主支族小笠原近江守負温為若年寄
參取松陰年錄文化武鑑十二月四日側室妙操夫人梶氏

生女參取松陰年錄太平年表十五日西城若年寄植村家
長轉為本城若年寄松陰年錄二十八日常陸侯德
川治紀任參議參取文化武鑑松陰年錄
三年丙寅正月令列侯修邊備迄世年表二月十一
日側室速成夫人興津氏生男虎千代參取松陰年錄太平年表
是月加賜三千石于若年寄堀田正敦千石于
側衆高井飛禪守清寅二百石于小納戸頭取岡村
丹後守直賢松陰年錄三月朔日側室清昇夫人大
岩氏生女高姬參取松陰年錄太平年表三日江戸有火自
西南飛于東北不為災也武江年表四日江戸大火

癸高輪及淺草延燒、侯伯六十二郎、祠廟梵刹稱之
燒死生口二千二十人、馬七十八頭、闔都殆至蕩為
荒野、遣使番于薩摩國主嶋津齊宣、肥後國主細川
齊茲、越前國主松平治好、阿波國主蜂須賀治昭、土
佐國主山内豐與、對馬國主宗義、切寺郎、言焉、傳為
明曆丁酉以後之大災、筑後國主有馬頼貴、時任增
上寺防火師、燹犯本寺五層塔、將及諸廟、頼貴年六
旬餘、奮然率衆、僵樹灌水、爛頭焦衣、不敢寸退、諸廟
因免焉。參取續王代一覽、久留米大乘公墓表、
文化日記、松陰年錄、大平年表、見聞鈔、
十日、常陸侯徳川治紀、獻先侯治保遺物備前景光

鍛刀一口于公、冷泉為尹所書古今和歌集一部于
元妃嶋津氏。松陰年錄、二十六日、貸金一萬兩于薩
摩國主嶋津齊宣、以其三郎災也。松陰年錄、四月朔
日、褒賜諸侯、以去月四日防火之勞也。文化日記、十
四日、有人訴盜鑄于陸奥山中者、乃命捕之、伏誅。參取
松陰年錄、大平年表、見聞鈔、二十六日、老中戸田氏教卒、氏
教在職雖無殊能而庶績修理人皆緹服焉。參取松
陰年錄、文化日記、五月二日、若年寄堀田正毅免職。松陰
年錄、二十五日、故老中松平信明復職、特命班列相上、
參取松陰年錄、續王代一覽、文化日記、六月、天下大旱、續王
代一覽、

覽

七月二十三日、高姬卒、謚曰圓琮夫人、

參取松陰

年錄大平年表

八月二十八日、准門跡西本願寺光攝、

管下僧徒、結黨爭訟、光攝裁決偏訛、於是京都所司

代稻葉正謀、下教光攝、杜門謝罪、

參取松陰年錄續王代一覽

十月六日、遣目付遠山金四郎景晉、勘定吟味役、

村垣充大夫、定行、巡視蝦夷、

參取文化日記松陰年錄續王代一覽見聞鈔

芸窓小錄

十三日、大坂城代阿部正由、為京都所司

代、若年寄松平乘保代之奏者、番水野忠成、為本城

若年寄、

參取文化武鑑松陰年錄

十一月朔日、伊賀國主藤

堂高兌、襲封、特命西岳之重任、如故事、

文化日記

十

二月二日、尾張候德川齊朝、任參議、

參取文化日記松陰年錄文化

武鑑芸窓小錄

四年、丁卯正月十三日、清高鄭良伯等、漂抵下総、

子港、命護送之、長崎、

外国年表

二十九日、九條公權

大納言輔嗣薨、

野史

二月朔日、鷹司公權大納言

政通兼左近衛大將、

野史

是日、詔定左右衛門兵

衛權大少尉志各十人、左右大少允各十人、以為永

野史

典、是月、法親王聖護院某來聘、

文化日記

三

月二十三日、徙封松前邑主松前章廣于陸奥梁川

追責其父道廣玩忽不謹之罪、錮諸下郎、

參取鐵心史大平

年表、松陰年錄、文
化日記、北陸紀要

是月、命小倉城主小笠原忠

固、寺社奉行脇坂安董管接韓之事、

文化日記

四月

九日、賜來國長鍛刀一口及鞍轡一枚于高松城主

松平頼儀、以容歲獻金也、

參取文化日記、
虎杖園雜纂

是月、

魯西亜賊待氷海融解、乘巨艦、窺骨拏失里西北、俾
母捏禿姑及勿而加馬子卜、二十四日、來越關、魯勿
上陸、戍兵以為採汲、賊乃入厩舍、碎鍋釜、啓庫、鑰奪
錢穀、衣衾、縱火而去、守吏戸田股大夫、闕屋茂、八狼
狽失度、匿厰庫、賊礮傷二人、且我兵率皆船工漁夫、
無膽畧、一敗塗地、邊報乃至、上下震駭、盛岡城主南

部大膳大夫利敬、在江戸、登時就程、弘前城主津輕
越中守寧親、適入觀、未一日、回駕遣兵接之、五月朔
日、賊礮連發、二吏與津輕氏兵俱軍、股大夫怯弱、畏
賊、礮不沿海而行、迂路轉入寔姥伊無人之地、逕路
崎嶇、備嘗險艱、翌日失股、大夫衆四搜得屍、蓋慚愧
自殺也、薄暮衆抵弗汚、梗拙始會南部氏軍、十九日、
賊窺函館、時徵兵悉來、軍隊整然、賊乃去、六月二日、
賊放還先日所捕戍兵八名、附以一書、略曰、我曩具
禮儀請通商、汝峻拒之、來歲將大舉、以責無禮焉、邊
吏作報簡、以責其猖獗、八日、小吏平山剛藏、潛上書

曰夫夷狄者猶禽獸也固不可常度以駕馭也請驅
酒徒博漢及囚虜罪至大辟者當之有功則減罪一
等彼喜應其命如楠河易驅使山寇嚇宇津宮公綱
是也冀勿顧望貽禍于他日昧死以聞未幾潛又上
書曰前日戶田某自及醜虜所致也若無報大虧國
體自是威權摧沮土崩瓦解將在旬月間請一大將
有偉略重望者授大旆遣之速殲賊軍則天下之士
氣憤躍無復北顧之憂矣於是命若年寄堀田正敦
綜統目付遠山金四郎景晉使番小菅猪右衛門正
容蝦夷討之與羽諸侯皆受正敦節度八月九日正

村上大学義雄等督兵三千人軍糧一萬五千石遣

敦閱兵于石卷聞賊已去不復追躡後哥函館奉行
羽太正養指麾失宜奪職閑屋茂八兒王嘉內等怯
懦遁去收其祿放之以河屍肥後守春之村垣淡路
守定行為函館奉行褒獎于庄內城主酒井元衛門
尉忠畧以蝦夷之役兵備周整指麾得宜也參取北
陰年錄文化日記宇津老人物語蕉陰若話是
月妖星見房宿漸東在牛宿人以為兵兆黃葉夕陽
村舍詩前
編 九月二十二日以皇子惠仁為親王參取雲
上明鑑
文化日記野史增補是秋深川八幡祠放生賽
會行客填溢永代橋斷溺死無算參取大平年表松
陰年錄烏崖遺稿

文化日記
芸窓小録

十月十日、天皇當後桃園帝皇后盛

化門院忌辰、修法會于清涼殿、皇后后近衛公故准右

内前之女也、史野二十三日、命鐵炮方井上充大

夫正清、巡視下田浦賀、及安房上総、沿海監礮臺要

地、大平表十一月十四日、側室本性夫人吉江氏、

生女、岸姫、參取大平年表、松陰年錄十八日、因幡國主池田

十八日、因幡國主池田永之進某加首版于公前、叙後四位下任、因幡守兼侍從、且賜偏諱曰

琉球聘使三年十月

是月、琉球聘使讀谷山王子小祿親方來

朝獻方物、參取文化日記、松陰年錄十二月五日、命陸奥國

主伊達周宗、會津城主松平容衆、遣兵備邊、又命関

東諸侯、備沿海、參取大平年表、文化日記、松陰年錄十六日、祐筆

組頭近藤吉充、衛門孟卿、奥祐筆格屋代太郎弘賢

等、獻續藤翰譜系圖備考、賜銀錠賞之、大平年表二

十日、貸金七千兩于盛岡城主南部利敬、金五千兩

于弘前城主津輕寧親、供軍糧、大平年表是月、西城

侍讀柴野邦彦、自撰墓誌、曰柴野為姓、邦彦為名、智

不周、挈餅志存蒼生、道不行、妻子業任遺經、壽於顏

淵、富于原憲、欵有虞氏棺、葬君子國野、雖不得大葬、

不死於道路、柴野邦彦誌是歲、穀稔米價極賤、命許

文化日記
芸窓小録

十月十日、天皇當後桃園帝皇后盛

化門院忌辰、修法會于清涼殿、皇后后近衛公故准后

内前之女也、史野二十三日、命鐵炮方井上充大

夫正清、巡視下田、浦賀、及安房、上総、沿海監礮臺要

地、大平表十一月十四日、側室本性夫人吉江氏

生女、岸姫、參取大平年表、松陰年録十八日、因幡國主池田

永之進某、叙從四位下、因幡守任、侍從加首服于公

前、賜偏諱曰齊稷、更賜肥前忠吉鍛刀一口、參取列候、斐峯

文化日記是月、琉球聘使讀谷山王子小祿親方、來

朝獻方物、參取文化日記、松陰年録十二月五日、命陸奥國

主伊達周宗、會津城主松平容衆、遣兵備邊、又命関

東諸侯、備沿海、參取大平年表、文化日記、松陰年録十六日、祐筆

組頭近藤吉左衛門孟卿、與祐筆格屋代太郎弘賢

等、獻續藤翰譜系圖備考、賜銀錠賞之、太平年表二

十日、貸金七千兩于盛岡城主南部利敬、金五千兩

于弘前城主津輕寧親、供軍糧、大平年表是月、西城

侍讀柴野邦彦、自撰墓誌、曰柴野為姓、邦彦為名、智

不周、挈餅志存蒼生、道不行、妻子業任遺經、壽於顏

淵、富于原憲、歛有虞氏棺、葬君子國野、雖不得大葬、

不死於道路、柴野邦彦自誌是歲、穀稔米價極賤、命許

諸國定額外增釀酒斛量

大平年表

五年戊辰正月九日江戶大雪

文化日記

是月皇女

多社宮生東京極院出也

野史

加賀國主前田齊

廣治所金澤城災遣奏者番須坂邑主堀内藏頭直

皓唁焉且命齊廣煇封權停朝觀五歲

參取文化日記松陰年錄

二月八日天皇改鑄太政官印

野史

九日當

常憲公元妃淨光夫人鷹司氏百年忌辰修法會于

寬永寺

松陰年錄

二十七日准門跡西本願寺光攝

來朝遣老中土井利厚賜銀三百錠綿二百苞

參取文化

日記見聞鈔松陰年錄

是月永見伊豫守為真為西城側

衆文化武鑑

三月四日親王有栖川詔仁姪孝仁為

親王

野史

十七日儲君始受剃法于柳生邑主柳

生但馬守俊豐

松陰年錄

是月令天下民商獻金供

接韓之資

參取松陰年錄大平年表文化日記

四月七日函館奉

行戶川安倫免職杜門謝罪以蝦夷之役指麾失宜

也

參取北陸紀憂文化日記

九日命浦賀奉行岩本石見守

正倫鐵炮方井上左大夫正清巡視安房上総沿海

築礮臺于相模三崎城嶋浦賀燈明臺走水觀音碕

伊豆下田須走崎安房洲之寄上総百首

大平年表

二十日命秋月城主黒田長韶攝鎮長崎以宗藩黒

田長順幼冲也參取列候事舊文二十七日亞

米利加夷船一隻漂抵長崎乞薪水食料乃與而返

之參取長寄雜記外國年表五月六日儲君削額髮列候上

城伸賀松陰年錄九日賜備前春光鍛刀一口于尾

張侯德川齊朝以削額髮也參取松陰年錄列候事舊六月

七日側室芳心夫人木村氏卒崇廟祭名錄十六日

大雨洪水見聞鈔二十一日加賜二千石于側衆

平岡頼長參取松陰年錄文化日記七月二日側室清昇夫

人大岩氏生女元姬參取松陰年錄大平年表續柳宮略譜十八

日米澤國主世子上秋喜平治某叙從四位下式部任

大輔加首服于公前賜偏諱曰齊定更賜豐後正廣

鍛刀一口參取文化武鑑列候事舊松陰年錄二十五日大風高

船航伊豆安房駿河遠江紀伊諸洋覆歿無算參取見聞鈔和漢

地方初倫宗癸江戸到蝦夷距松前未遠備六夷為

導備嘗百艱行經涉山海抵奈仁於地屬夷中極東

巨山石聳藍浪允注舟行宜南不宜北稽留嶋中數

月牢稟通懸從夷縮膽不進倫宗慷慨曰汝等歸則

歸矣吾奉國命來不可無功半途而去也有一箇長

謂倫宗曰如公可謂忘軀報國者矣然單身留鄙地

若不幸損命癘瘴則大國以為所誘殺必矣請留一
從夷以證之倫宗乃如其言閱歲遂抵滿洲假府土
俗獨敬戴漢人其他夷遇之府吏視倫宗識文字遽
加禮貌饗之臨去贐以酒一壺倫宗歟夷之後役比
前役其功更多云東韃紀行八月六日代官岡田恕
班布衣以嘗綜理學政也初恕為儒負祭酒林衡謂
諸老曰恕廉惠淳謹不避權要為司農則民可倚賴
也恕為代官釐奸剔弊不負所學於是部民妥服參取
茲菴日記蕉陰茗話續七日東北諸國大雨洪
近世叢語芸窓小錄十五日見一巨艦于長崎
水參取松陰年錄新撰年表大平年表

洋中皆以為紅毛歲額船晚泊于高鉞啖咭喇船也
遣譯吏舉番彼此相示舟近岸忽有賊跳入紅毛夷
船露刃劫人去一鎮擾亂奉行松平圖書頭康英乃
督兵擊之賊逃去十六日賊放所虜毛夷附以一書
曰吾航廣東薪水告匱欲仰給貴邦若不許吾將有
所為矣康英怒其倨傲令譯吏讓責之曰汝速還若
遲緩將處嚴令賊不應與薪米鷄牛等物賊又乞蔬
菜康英大怒曰虜以為邦人易與故輕侮我也况斗
米束菜不足厭其溪壑之欲乎是不可不戮也欲乘
夜殲之時肥前國主鍋嶋齊直當戍任康英命擊之

其戌將懼兵少請待徵兵多至擊之聚議不決是夜
風烈康英噤齟曰乘此機縱火殲賊亦瞬息之頃耳
已而賊悉還夷人曰本國有夙怨紅毛今日擒意在
究訊耳爾後不復近境參取松陰年錄大平年表長崎雜記芸窓小錄
十七日故大村城主大村信濃守純鎮聞變解軍艦
到興之津有人告賊既去於是乃還長崎雜記十八
日長崎奉行松平康英召戌將責以兵減定額不能
應卒自屠腹而卒崎民號泣為立祠祀之後數月老
中牧野忠精召蓮池邑主錫嶋直温傳命讓責宗家
齊直怠戌杜門謝罪齊直戌將伏罪自殺者七人參取

北陸紀憂見爾錄長崎雜記松陰年錄九月十一日天皇奉幣于

伊勢大廟野史二十七日筑前國主黑田長順叙

從四位下備前守加首服于公前賜偏諱曰齊清更

賜豐後行長鍛刀一口列候事是秋關東大饑松陰

年錄十月朔日有食之曆叢十六日特擢大筒

役佐々木勘三郎子傳次郎賜別俸以精駁技也松陰

年錄十七日故常陸侯德川宗翰妃藤原氏薨謚

曰端懿夫人一條公兼香女也遣老中青山忠裕弔

之松陰年錄是月京都所司代阿部正由卒參取松陰年錄

野史十一月八日西城若年寄青山幸完卒北條

邑主水野壹岐守忠韶代之參取松陰年錄列候事 十五

日儲君元妃有栖川氏喬子改稱大姬參取文化日記松陰年錄

虎杖園 二十二日賜黃金于小菅猪石衛門正雜纂

容村上監物義雄山岡傳十郎景風夏目長右衛門

信平賞巡視蝦夷之功也松陰年錄 是月新見伊賀

守正路為小納戸一日公召便坐曰汝父長門嘗踰

九段阪馬逸墜隍幾死有一廝卒躍入水底扶掖長

門及馬而上岸彼廝微賤猶不顧身救主于危窘信

可嘉尚也今存否正路對曰先臣某賞其忠祿為侍

臣名古橋金平公曰汝無忘彼忠而可因戒之曰勿

蹈父轍也御實記 十二月朔日尾張侯德川齊朝

任權中納言田安侯德川齊匡一橋侯德川齊敷並

任參議參取文化武鑑文化日記 是日西城侍讀

柴野邦彥歿世稱邦彥及尾藤孝肇古賀樸曰寬政

三博士以連茹應辟也邦彥最與故輔佐松平定信

相善數疏密勿嘗議修陵曰神武後諸陵荒蕪不脩

請標石禁樵牧又議京學曰京俗間雅宜設一黌以

為育才之地元和申松永尺五唱宋學後水尾帝賜

御筆嘉嘆之願仍舊給若干學田使尺五裔孫世守

焉更遂一碩儒督教庶幾乎興斯學矣先是近衛公

內大臣基前遣臣進藤某就邦彥諮公卿之學邦彥
件錄以呈天保李仁孝天皇詔建學習院公卿就學
其舉胚胎邦彥議參取柴野邦彥墓表、蔦陰若
誌、栗山奉答、陽明藤公書
九日賜金一萬兩于寺社奉行脇阪安董供接韓之
資松陰
年錄十日小濱城主酒井讚岐守忠進為京
都所司代參取文化武鑑、松陰
年錄、文化日記、野史十五日褒獎陸
奧國主伊達周宗以蝦夷之役兵備整周指麾得宜
也文化
日記十八日增賜封額于盛岡城主南部利
敬為二十萬石任侍從增賜封額于弘前城主津輕
寧親為十萬石叙從四位下命利敬寧親世戍蝦夷

若年寄堀田正敦之巡視蝦夷也利敬見之曰某封
十萬石而班上叔氏下公周旋諸老陞某爵位增封
額為二十萬石則不增寸壤天地而足矣果然割獻
封內田名部八千石願公效力正敦許諾徵誓利敬
書與之正敦携婦命下利敬召諸臣告之僉駭曰田
名部雖褊小候家世襲之地也至閣下得虛封失實
封何面目見先侯于地下乎然台命已下無奈之何
唯遣精忠重厚之臣分疏閣下前日之失言或可以
免焉利敬然之時有八戶美濃者年纔弱冠出隊自
請而行臨發謂人曰吾苟辱君命決不生還抵江戶

見正敦曰、寡君曩請增賜封額、然無一老臣與其議者、今日闔藩聞台命惶愕失措、且外臣未知其誓書果為寡君之手筆否也、請一見之、正敦出示、美濃為諦視其書、遽丸而吞之、正敦色然而駭、詰其故、美濃鉗默無言、正敦告諸老、諸老曰、大府欲固執前議、收田名部地、南部氏臣民擾亂抗命、是終除外患、又生內亂、非今日之良計也、且侯國有臣如此、緩急可收、貔虎之用、豈非大府之藩屏乎、因止、獻封命、增賜封額、如其請、參取竹堂日錄、文化日 二十五日、賜時衣于會津城主松平容衆、臣內藤信周、北原光裕、

丹羽能教、梶原景保、三宅忠良、並以其有蝦夷役之

功也、參取終北錄、見聞錄 是冬、代官早川八郎充衛門正

綱、致寬政中正綱為備、作代官多恤政、創義熟于治

所、九瀨教民有績、遷任歸府、號攀者無數、已歿部民

為立碑、早川正綱紀、德碑

六年、己巳正月十二日、奏者番西尾城主松平和泉

守乘寬兼管寺社奉行、參取文化日記、松陰年錄、文化武鑑 二十

日、津山城主松平越後守康孝、治城災貸金五千兩

供修城之資、參取文化日記、松陰年錄 是月、命長崎奉行曲

淵甲斐守景露、土屋紀伊守康直、更定本鎮政令數

十條長崎雜記

二月二十一日、側室速成夫人曾根

氏生男、友松參取松陰年錄、大平年表

三月十五日、常陸侯

德川治紀始就封、饗諸竹班、賜刀及鷹馬各一松陰年錄

二十四日、立親王惠仁為皇太子、一條公石大

臣忠良為大傅、遣茂根城主井伊掃部頭直中、及高

家戶田土佐守氏明、上賀參取文化日記、芸志小錄、帝皇畧譜 四

月五日、以寄合津輕三十郎親定、為侯伯、列柳班柳蓋

宗家弘前城主津輕寧親所請也參取松陰年錄、文化武靈、文化日記

十六日、會津城主松平容衆、獻新編會津風土

記虎杖園雜纂 二十三日、課因幡國主池田齊稷、後

關東諸川松陰年錄 先是准門跡西東本願寺、及專

修、興正佛光、諸寺主相議請來歲當法祖親齋五百

年忌辰、追蓋為大師、下令曰、親齋以釋徒御內食肉

則稱上人、猶為過當、况大師之稱乎、遂不允參取松陰年錄

見聞鈔 是月天下疫大行、江戶尤甚、近臣亦多深

之、公嘗藏一鷄冠石彫靈芝者、製造極精、公撫摩不

置一日、憫然謂近臣曰、孤聞碎鷄冠石投火、則癘氣

漸滅、平生之愛固矣、今日需焉耳、不然玩物喪志不

足貴也、乃碎之、頒賜近臣、於是侍衛染疫者少御實記

初六、二十七日、長門國主毛利保三郎某、叙從四位

下大膳大夫任侍從加首服于公前賜偏諱曰齊熙
更賜備中幸久鍛刀一口參取松陰年錄文
化日記文化武鑑是
月皇女多祉宮薨年二歲號善行院野史五月朔
日有皇太子立坊之儀天皇遣廣橋前權大納言藤
原胤定千種前權中納言源有條平松前權中納言
平時門烏丸前權中納言藤原資董賜便面上皇皇
太子皇后亦各賜羽二重縮白紗縮純子縮柳二
十三日賜銀錠于會津城主松平容衆臣一柳新三
郎武井完平以賞會津風土記編集之勞也虎杖園
雜纂
關東六月十八日故越前國主松平重富卒諡曰隆

德公重富故一橋侯德川宗尹之子也崇廟祭
名錄
是月修增上寺五層塔命姬路城主酒井雅樂頭忠
道助工役松陰年錄七月十日側室本性夫人吉江
氏生女文姬參取松陰年
錄大平年表八月十日修造伊勢
大廟遣高家昌山中務大輔義長監遷祀之儀參取
松陰年錄
化日記九月二日賜銀若干錠于町奉行小田
切土佐守直熙勘定奉行柳生主膳正久通賞蓄粟
之勞也參取松陰年
錄大平年表十一日天皇奉幣于伊勢
大廟野史十五日以親王有栖川織仁子種宮為
猶子以異日為知恩院法主也蓋從後陽成帝子良

純為東照公猶子故事云參取虎杖園雜二十

一日小性番士大草大治郎公弼猷所著南山巡狩

錄參取恭公志料虎杖園雜十月公及儲君猷

金帛于上皇賀壽辰松陰年錄十一月十一日貸金

三萬兩于對馬國主宗義切供接韓之資松陰年錄

是日加賜二千石于小性組番頭格松平伊勢守近

言松陰年錄十二月朔日儲君行合卷之儀文化

日記五日側室皆善夫人土屋氏生男保之丞參取

大平年表松陰年錄十一日公子虎千代磨為紀伊侯德

川治寶嗣文化十三日法親王輪王寺公澄免

職法親王公猷代之勅賜號歡喜心院于公澄輪王寺御

門主御署譜十四日天皇設上皇七十壽筵奏舞樂

野史是月江戶猛寒積雪殆絕人行武江年表是

夜故輔佐松平定信因疾請致仕特旨不允參取松陰年錄

樂翁疾署譜文化日記

七年庚午正月元日佐渡地大震參取野史和漢年契十

三日側室速成夫人曾根氏生男要之丞參取大平年表松陰

年錄二月二十六日命會津城主松平容衆故輔

佐松平定信備安房上總浴海文化二十九日

紅毛夷來朝獻方物參取大平年表三月朔日有

食之曆 六月、側室清昇夫人諸星氏卒。崇廟祭名錄

十五日、紀伊侯世子德川某行穿袴之儀、賜備

前近景康光雌雄刀。松陰年錄 是月、修仙波東照公

大廟。松陰年錄 四月五日、故法親王輪王寺公澄如

京都。王寺御門主畧譜 是月、平戶五嶋侯伯護

送清高小船十八隻于長崎、船客請通商官乃詢本

年下碇之船其人固拒於是、不允二閱月付定額船

放纜返之。長崎雜記 五月十一日、加賜千石于西城

小姓押田丹波守勝長、勝長者儲君生母香琳夫人

之兄也。松陰年錄 二十二日、有人全入于町奉行小

田切直熙郎、傷數人、郎吏捕而梟之。大平年表 二十

三日、西城老中安藤信成卒。文化日記 六月十二日、

當惇信公五十年忌辰、修法會于增上寺。松陰年錄

二十五日、若年寄松平乘保、為西城老中、寺社奉行

大久保忠真、為大坂城代。松陰年錄 文

十八日、奏者番丸岡城主有馬左衛門佐譽純兼管

寺社奉行。松陰年錄 是月、管沼左京亮定靜為側衆

佐野肥前守義行為西城側衆。松陰年錄 文

月二日、常陸侯世子德川鶴千代磨叙正四位下任

左近衛權少將、加首服于公前、賜偏諱曰齊修、更賜

大和包負鍛刀一口參取文化武鑑列
庚事舊文武日記八月十

六日梟金改役後藤庄三郎以贓罪也松陰
年錄十

九日天皇徙祀内侍所于假殿野史九月奏者番

福山城主阿部備中守正精兼管寺社奉行參取文
化日記

文化 十月二日紀伊侯世子德川虎千代磨某

卒蓋曰後岳公子參取松陰年錄
崇廟祭名錄十一月十五

日公子菊千代磨為清水侯德川重好後松陰
年錄

是月儒負依田源太允衛門利用獻國鑑先是命儒

員柴野邦彥尾藤孝肇等起唐虞訖後漢光武撫錄

千百年間治亂可備省觀者國字成譯資啓沃後又

命利用編纂之至此遂成利用為人質直絕泛交後

及西城公繼大統為侍讀屢蒙顧問應對敷陳皆忠

樸無飾語參取大平年表尾藤由緒
書見聞鈔清々舎日譜十二月六

日貸金一萬兩于小倉城主小笠原忠固供接鮮之

資松陰
年錄七日天皇復徙内侍所于本殿閱八日

奏三夜神樂祀之野史是歲常陸侯德川治紀獻

大日本史于朝廷上表曰臣治紀言伏惟太陽做照

率土莫匪日域皇化所被環海咸仰天朝帝王授受

三器徵神聖之謨訓寶祚之隆與天壤無窮國家治

亂一統絕姦究之窺竊威靈之遠于華夷有光雖時

運盛衰、蓋譬諸朝暮、是以人事得失、宜鑒於古今、彰
往考來、有述有作、勸善懲惡、或褒或貶、屬辭比事、殊
方豈無載籍、詳內畧外、正史固存體裁、臣治紀誠惶
誠恐、頓首頓首、欽惟皇帝陛下、紹天祖之正統、神明
其德、照臨八方、守聖人之大寶、寬仁之政、子育群生、
誓古無事、恭已無為、播文化之貌于宇內、何人不遵
聖天子之風教、委獎學之任于闕東、臣治紀等嘗聞
大將軍之家訓、伏念臣治紀材質愚鈍、學問空疎、徒
承父祖餘蔭、叩膺藩屏重寄、爵忝三位、尸素之譏、難
免、官帶參議、牆面之陋、是慚、惟此國史、責貴在臣家、欲

竭忠於本朝、蓋追孝于前人、臣治紀五代祖光國、少
而好學、勇于為義、雖身在外、乃心王室、每慨旧史之
闕文、欲修歷世之實錄、開館聘士、輯錄名山通邑、逸
書購求之功、馳使幣于遠邇、因人傳奏、許借蘭臺石
室秘冊、繙閱之勤、忘寢食於晝夜、貫穿馳騁、集衆技
以成效、取捨裁斷、獨得之特見、紀志表傳、創立一
家之言、筆削信疑、庶為萬世之鑑、起自神武、至于明
德、叙次一百代、上下二千載、闡幽微、顯原始、要終、陞
大友文于帝紀、徵老翁之捧日、列神功于右妃、揭真主
於遺腹、西東之爭、南北之亂、正閏皇統、唯視神器之

在否、逆順之際、忠奸之別、是非人臣、悉由公論而折衷、知我罪我、蓋深自任、刊之正之、有待後世、迺自高祖綱條、以至先父治保、校訂補修、四世之間、無怠闕色、討論百年之後、稍定、顧是一家之撰、豈云三長之具、徒閱星霜、莫竟功緒、先臣之所尤苦心、愚臣何敢不竭力、曩遭幕府、催督將使史稿上木、竊謂斯書雖屬私撰、苟傳于世、有係國體、昔初脫稿、假冒題號、今且鑄板、曷無奏請、乃因百揆之吹噓、竊取九重之進止、恭蒙天意降鑒、許得書名公行、於是累葉志願、一朝獲伸、踴躍奉承、感激無已、速命剞劂之工、永省繕

寫之勞、先臣所修大日本史、本紀七十三卷、列傳一百七十卷、校訂粗完、彫刻未半、其志若干、有條無書者、方且補修、猶未全備、臣愚以為與其遷延歲月、全功告竣、不如嚴立課程、隨成呈上、故今紀傳二十六卷、刊刻已就者、裝成一函、聊先上送、餘將續進、謹隨表以聞、上塵天覽、下情無任慚懼、戰汗屏營之至、臣治紀誠惶誠恐、頓首頓首、謹言、文化七年月日、參議從三位左近衛權中將臣治紀上表、天皇御製贊辭、曰、專據國史、博考群書、為一大部之書、昭代之美事、堂構之業、勤勞可想、

新梓大日本
史恭公志料

八年辛未正月十八日、天皇遣西洞院少納言平信
順、賜諡知恩院法祖釋源空、曰弘覺大師、旨曰、勅朕
聞道不自私、私必由人物不自覺、覺必待師、緬惟故
吉水源空和尚、少在叡峯、博學之名、夙彰、老居吉水、
專行之德、彌高、戒珠明朗、隋和讓其光、慧及銳利、干
鑿愧其鈍、分難易於聖、淨棟優劣於正、雜體二尊之
大悲、揚三師之微猷、於是若善若惡、揖若城而長別、
無賢無愚、望樂邦以高馳、貴賤歸嚮、化風扇於一時、
緇素信服、慈澤流於百世、嗚呼、如和尚其弘道之哲
人、覺物之良師乎、三朝先皇正賜佳號、以旌盛德、茲

丁六百周之忌辰、朕亦更加以弘學大師之諡、蓋以
幕府功德寺也、清々舎二十一日、側室本性夫

人吉江氏生女、日譜艷姬、參取大平年二月十一日、

火癸市谷念佛阪、及赤羽根紀伊侯德川治寶邸、亦

災賜金二萬兩、資營築、又命權停貢獻三歲、文化日記

十九日、接韓正使小倉城主小笠原忠固副使、龍

野城主脇坂安董、及林大學頭衛井上美濃守利泰、

柳柳生主膳正久通、遠山左衛門尉景晋、佐野肥後守

庸負、古賀弥助樸等、赴對馬、朝鮮國主李珍、遣正使

通政大夫曹參議知制教金履喬、副使通訓大夫弘

文館典翰知制教兼經筵侍讀官春秋館編修李勉
求以下隸官總計三百三十六名抵對馬奉書曰朝
鮮國主李瑛奉書日本國大君殿下聘使之禮曠踰
四紀邈承殿下克纘洪緒誕撫區域休聞所及欣聳
曷已茲循故常庸伸賀儀至於易地行聘之舉寔出
兩國惇好之義也不腆土宜聊寓遠忱惟冀益懋令
猷茂膺休祉不備辛未二月日別幅人參拾參觔大
縹子伍疋大緞子伍疋白苧布拾伍疋生苧布拾伍
疋白綿細或拾伍疋黑麻布拾伍虎皮柒張豹皮拾
張青黍皮拾伍張魚皮伍拾張色紙拾伍卷彩花席

拾張各色筆參拾柄真墨參拾笏黃密伍拾觔清蜜
伍罌鷹子拾連駿馬壹疋復書曰日本國源家齊敬
復朝鮮國王殿下崑仟戾止華緘隨達因悉啓居寧
謐欣聿靡極今者以五承統蒙修聘儀珍貽相疊殊
感隆誼如其成禮津嶋則事雖從新意在循旧所以
度時制宜而敦兩國之好也茲具輜品寄諸還使惟
冀彌揚景烈允受純嘏不備文化八年辛未六月別
副畫屏一十雙鞍具一十副硯紙匣三副漆繪五十
匹絲紬一百端儲君亦副以案一脚漆綾一百端綿
三百把我正使小笠原忠固副使脇坂安董見韓使

于國府寺饗館會儀如故事各世幕府之繼統也韓使上賀例見江戶公憂冗費定議始接待對馬是役也林衡自奮曰從前接韓之際筆語彼此迫逼唯以險韵雄篇相壓倒是白面書生之為耳二國修好宜重厚存國體而革此陋習也將矣或有語以任大責重者衡曰鮮人萎蒲易與耳况伏國家威德以莅之乎何難之有於是撲及衡從者松崎復等皆如其言正使金履喬最服撲學行臨歸序撲著大學纂釋極贊揚韓客又問撲邦人長筆札者撲荅以其友賴惟寬為方今第一

參取接韓記事朝鮮往復書簡和朝鮮人獻上物并被遣物和玄々堂雜

記奉送祭酒林公之對馬序古賀撲行賀賴惟完墓碣

十四日當孝恭公

二十五年忌辰修法會于寬永寺

松陰年錄

三月十

二日側室皆善夫人土屋氏生女盛姬

參取大平年表松陰年錄

十六日皇太子惠仁加首服詔曰皇太子惠仁

溫雅長而敦能承天序孝順之德允着不協國貞元良之稱惟重嘗在鶴禁既及二六妙齡將出龍樓漸登九五實位是以擇季春之佳辰行首服之盛禮率由敬慎威儀万邦之祚可幾兆民之歡永得夫天下為父後者六位又高年八十以上及鰥寡孤獨不能自存者量數給物公遣高家織豐後守信順于京都

上賀、天皇及皇太子、遣廣橋前權大納言藤原胤定、
六條前權大納言源有庸、賜良刀各一口、上皇亦有
賜賚、參取野史、大平年表、
文化日記、松陰年錄、四月、皇女生、內侍菅
原氏和子出也、明日、賜號靈妙院、野史、五月十六
日、皇子盛仁為親王、閱一日而薨、野史、是月、巨瀨
日向守利和、為側象、利和嘗學於加藤千蔭、精國典、
長和歌、公或有所詠、貨利和、利和加潤色奉呈、公嘉
納焉、參取蕉陰若、
話、文化武鑑、六月三十日、艷姬卒、謚曰法
量夫人、參取大平年表、崇廟
祭名錄、松陰年錄、七月十九日、天皇
當桃園、天皇忌辰、修法會于仙院、野史、二十七日、

岸姬卒、謚曰精純夫人、參取大平年表、崇廟
祭名錄、松陰年錄、九月
月二十七日、公猷人參三斤、縑子縮五軸于天皇、人
參二斤、純子縮三軸于上皇、人參二斤、純子縮二軸
于皇太子、儲君猷、縑子縮五軸于天皇、綾縮三軸于
上皇、皇太子蓋猷、朝鮮方物云、已而贈人參一斤、色
紙五軸于法親王、輪王寺公猷、亦鮮貢也、參取太平
年表、松陰
年錄、是月、接韓正使小笠原忠固、副使脇坂安董、
以下諸有司至自對馬、文化
日記、十月五日、天皇當
後桃園、天皇忌辰、修法會于清涼殿、野史、六日、祐
筆組頭尾嶋定右衛門、猷天寬日記、賜橫縮五純賞

之松陰年錄十四日、當文昭公百年忌辰、修法會于

增上寺松陰年錄十九日、老中牧野忠精召故輔佐

松平定信于黑書院曰、前日接韓使對馬安穩畢役、

殿下特賞其由汝任職中建白、汝須拜戴台旨矣參取

虎杖園雜纂樂翁公畧譜文是夜、牽牛與中星

合為一筆之須十二月二十五日、賜來國真鍛

刀一口、銀三百錠、時衣三十襲、于對馬國主宗義功、

亦賞畢役之功也松陰年錄是歲、命陸奧國主伊達

宗純、臣大槻茂實、譯蘭書、歲例賜銀三十錠大槻磐水墓碣

九年、壬申、三月二十二日、令大番組頭及諸士祇役

京攝、倍賜俸祿、爾後組頭千石諸士五百石以上不

許倍賜俸祿、以下仍舊貫松陰年錄三月十五日、陸

奧國主伊達宗純、叙從四位下、陸奧守任侍從、加首

服于公前、賜偏諱曰齊宗、更賜筑前守重鍛刀一口、

參取文化日記四月四日、若年寄水野忠成、為西

城側用人、西城若年寄小笠原貞温、轉為本城若年

寄、寺社奉行有馬譽純、為西城若年寄參取文化武

文化日記十六日、側室皆善夫人土屋氏生男、乙五

郎參取松陰年六月二十七日、天皇遷祀北野

神于正殿野史七月朔日、京都大雷野史十六

日、西城公女咸姬卒、謚曰諦明夫人。崇廟祭名錄九

月二日、命中興小性筑紫主水孝門、參昌平饗政、孝

門廣門之裔孫也。松陰年錄三月、下總相馬郡藤代

村女年八歲生一男、初四歲有月事、至此舉男云。參取

太平年表是月、魯西亞蠻船見兵庫高田屋加

兵衛高船于蝦夷海上、遂捕其船主加兵衛以下四

五名去。參取高田屋加兵衛傳見聞鈔十月二日、以對馬国主

宗義質幼冲、特命寺社奉行脇坂安董、參議接鮮之

事、其家政。文化日記十一月、伊勢度會郡長原村

長命寺僧禪修歿、年百十九歲、禪修本姓加藤氏土

佐人也。見聞鈔十二月二十一日、遷祀石清水八

幡神于正殿。野史二十五日、若年寄井伊直朗、免

職。文化日記二十九日、日光東照公藏器庫災。松陰年錄

是月、大番頭峯山邑主、京極周防守高備、為若

年寄。參取文化武鑑松陰年錄。寬政諸家系譜始成、賜八丈

綃十純于老中松平信明、良刀于若年寄堀田正毅、

故若年寄堀田正毅等、各一口、並賞總裁之功也。參取

松陰年錄是歲、勘定奉行石川忠房、攝道中奉

行、釐郵政舊弊、一新、民皆悅服。石川忠房墓碣

十年、癸酉、正月八日、故關白鷹司公前左大臣輔平

薨野史十四日側室速成夫人曾根氏生女和姬

參取大平年表松陰年錄二十三日側室本性夫人吉江氏

生女孝姬參取大平年表松陰年錄二月二十日禁諸有司

燕會奢侈過度松陰年錄三月十五日復石清水八

幡幡廟臨時祭白杵城主稻葉伊豫守雍通助修本廟

工役松陰年錄十九日法親王輪王寺公猷如京都

六閱月而歸輪王寺御門主御畧譜二十七日側室真行

夫人中野氏生女溶姬參取大平年表松陰年錄是月水野

石見守貞利為側衆文化武鑑四月命長門國主毛

利齊熙土佐國主山内豐資筑後國主有馬頼徳大

洲城主加藤泰濟吉田城主伊達村芳安藝國主支

封淺野長容及長門國主附庸吉川經礼等後關東

諸川松陰年錄五月二十日側室香琳夫人押田氏

卒藤次郎敏勝女也崇廟祭名錄是月課大阪巨商

獻金百餘萬兩助經費松陰年錄六月二日公子友

松卒謚曰了湛公子參取崇廟祭名錄大平年表十三日雷

震大内建春門野史二十四日奏者番村上城主

内藤豊前守信敦兼管寺社奉行參取松陰年錄文化武鑑

二十八日紅毛夷獻巨象長崎奉行遠山景晋卻而

遣之後景晋謂人曰明弘治中西城猷獅子礼部尚

書倪岳言。獅者外域之獸，真偽不可知，使真非中國
宜畜，非真無為外域所笑。詔還之。前日景晉郤象自
以為不愧倪岳，景晉廉勤有幹才，又嗜學著籌海因
循錄等書。解官後賦詩曰：拋却朝衣身世輕，柴門草
閣少逢迎。鳴琴一曲長松下，自得古今風月情。參取
蕉陰
若詰虎杖園雜纂羽山
日記見間鈔祇雲日記 七月五日，下野人蒲生
秀實歿。秀實通稱伊三郎，學志經濟，先是秀實聞大
和人竹口某傷諸陵荒蕪，著陵墓志，歷拜近畿諸陵，
亦作山陵志，獻天朝，及列相以圖修復，事雖不行，其
書遂達九重云。蝦夷之役，秀實著不恤緯五篇，獻之

有司大望星吏議祭酒林衡西城侍讀柴野邦茂為弁
之，終得無罪，世稱秀實及高山正之林友直為近時
三偉人。參取蒲生秀實墓誌，不恤緯，王勝間。
芸窓小錄，川澄氏雜錄，蒲生秀實傳。 九
月二十二日，廣橋前權大納言藤原伊光任准大臣。
蓋特旨云。史野 十月二日，側室智昇夫人阿部氏
生男興五郎。參取松陰年
錄，太平年表。 十一月六日，賜儀刀
一口于儲孫竹千代，又命列候獻焉。踰日遣白河城
主松平定永，庄內城主酒井忠器，松代城主真田幸
專，于日光謁大廟，告儲孫降誕，已而行赦典，亦以誕
降故也。參取松陰年
錄，太平年表。 十二日，寺社奉行脇坂安

董免職館林城主松平右近將監武厚代之參取松陰年錄

文化 十七日側室慧明夫人能勢氏卒崇廟祭名錄

閏月三日後櫻町上皇崩遣高家有馬兵部大

輔廣壽弔焉命列候將叙從四位下秩十萬石以上

者獻賻銀參取野史崩日記考 十九日側室智昇

夫人阿部氏卒崇廟祭名錄 十三日故安藝國主淺

野重晟卒享年七十一歲謚曰恭昭公重晟襲封親

臨學館督文武性長礮技其學宗甲刃更有所發明

又嘗悉燒錢穀券大開義倉以行賑恤邦民愛戴焉

重晟嘗自謂曰寡人雖不敏平生期學以能治國家

使一物無不得所為至要若夫黨同斥異尋章摘句

者不了聖經本旨是陋儒之為而非人主之學也官竹

遺事 十二月十四日儒員尾藤孝肇歿孝肇自誌

曰生得足疾深居一室不交人少好文字長知講學

以多病不能時敏然於洛閩說終身弗貳也素習疎

放無益乎人常羞曠職耳蓋實錄也同寮柴野邦彦

尤服孝肇每有議論必折衷於孝肇得其言決疑參取

尾藤二洲自誌 十六日儒員古賀樸班布衣以其

奉職匪懈故也古賀精里行實 十七日幕後櫻町上皇

于泉涌寺閱六日供宸翰光明真言于櫻町殿以資

宜福史野 二十二日、貸金一萬兩于盛岡城主南

部利敬、以封内連飢、且蝦夷之役、大損軍糧也。松陰年録

二十四日、加賜側衆林忠英、西城側衆塔川親

文、各千石。文化日記 二十八日、公子要之丞、為田安

候、德川齊匡嗣。松陰年録 是月、阿波國主蜂須賀千

松、叙從四位下、阿波守加首服于公前、賜偏諱曰齊

昌。文化日記

十一年、甲戌、正月元日、天皇廢節會、盖以客冬後櫻

町上皇崩也、公亦有疾、儲君攝受拜賀之儀。松陰年録

二月十四日、二條公充大臣、治孝、罷充大臣。野史

十九日、一橋候世子德川松之助某、叙從三位、任

充近衛權中將、加首服于公前、賜偏諱曰齊禮、更賜

備前清光鍛刀一口。參取松陰年録 文化日記 二十八日、紅

毛夷來朝、獻方物。松陰年録 三月十五日、蓮華光院

門主隆範來聘、執謁、盖賀幕府繼統也。文化日記 是

月、命老中牧野忠精、若年寄植村家長、寺社奉行松

平輝延、阿部正精、及大目付伊藤河内守忠彩、勘定、

奉行柳生主膳正久、通等、赴日光監來歲法會之儀、

文化日記 四月二日、一條公右大臣忠良任充大臣、

三條前内大臣實起任右大臣。野史 四日、公子與

五郎卒。謚曰常恩公子。

參取大平年表、松陰年錄。

五月七日。

先是、大修日光東照公廟、遣高田城主柳原政令、姫

路城主酒井忠實、監遷祀之儀。

文化日記。

六月朔日。

有食之。曆叢。

夏秋之交、天下大旱、諸國河水皆竭。

可涉。

松陰年錄。

七月二十一日、孝姬卒。謚曰惇脫夫

人。

參取大平年表、松陰年錄。

是月、岡野淡路守知鄰、為西城

側衆。

文化武鑑。

大修寬永寺諸廟。

文化日記。

八月十

九日、親王有栖川織仁、適母某夫人薨。儲君元妃祖

母也。

文化日記。

二十六日、太孫竹千代薨。

松陰年錄。

九月四日、葬太孫于增上寺。謚曰玉樹公子。配于孝

順儲君廟。

參取松陰年錄、文化日記。

八日、伊賀國主藤堂高

兌、朝覲例遣老中勞之。會高兌丁母憂、遣奏者番松

平宗、癸弔之。

松陰年錄。

十五日、賜時衣三十襲于米

澤國主上、秋齋定、以助修紅葉山廟也。

參取松陰年錄、文化日記。

十六日、關白鷹司公前左大臣政熙、免職。一條

公左大臣忠良代之。

野史。

二十四日、西城公側室

押田氏生女連姬。

松陰年錄。

二十八日、三條右大臣

實起、罷右大臣近衛公内大臣基前任右大臣、花山

院權大納言藤原愛德任内大臣。愛德者支族中山

前權大納言藤原榮親之子也。出為右大臣長熙之

嗣才德邵茂兼筆札諸紳矜式焉野史是月岩本

内膳正正倫淺野中務少輔長富並為西城側象文化

武十月二十日法親王輪王寺公猷第災松陰年錄

二十八日准門跡故佛光寺主某室有栖川氏

薨為元妃之義叔母也文化日記十一月八日代官

竹垣直温歿直温稱三右衛門其所設施去而人德

之嘗宰常陸筑波芳賀二郡俗生子不多舉直温請

久不遷官更立法凡生子五歲月給養資又配鰥者

以越後女勸農收直以備不虞利民察弊無所不至

晚歲籍流民者百六十人育兒者三千二百餘人籍

客民者千七百餘口屬吏松岡庸良宇佐美匡卿亦

與有力焉初直温宰越後稅地後轉管攝河播稅地

兼知河堤海運隨處有績參取竹垣直温碑荒地政要跋文二

十二日天皇復加茂臨時祭廢典野史是日峯姬

適常陸侯世子德川齊修支族府中邑主松平播摩

守賴說迎駕是行為峯姬置別邸曰小石川守殿公

女適三宗藩三省卿名曰守殿適列候者曰住居後

命祭酒林衡著守殿考以奉獻焉參取松陰年錄御守殿考文化日記

十二月朔日齊修叙從三位任左近衛權中將

松陰年錄十五日賜時衣五十襲于陸奥國主伊達

齊宗以助修日光大廟也。松陰年錄二十九日賜時

衣三襲于常陸侯家老中山備中守信敬以管峯姬

婚儀也。松陰年錄是月甲府勤番支配松平

伊豫守定能猷所著甲斐國志十卷賜時衣二襲賞

之。松陰年錄是歲故議奏使中山前權大納

言藤原愛親薨。松陰年錄是歲故議奏使中山前權大納

十二年乙亥正月元日江戶大雪連日不已。武江年表

四日關白一條公左大臣忠良罷左大臣任職如

故近衛公右大臣基前任左大臣德大寺前內大臣

實祖任右大臣。野史二十日老中松平信明上城

輿疾而歸郎。松陰年錄二十二日天皇行內侍所千

遍樂之儀。野史二月十四日清水候德川菊千代

磨叙從三位任左近衛權中將加首服于公前賜偏

諱曰齊順。松陰年錄十七日西城公元妃有栖川氏

生女儔姬閱六日而卒。諡曰瑞芳夫人。崇廟祭名錄

十九日備前國主池田新之丞某叙從四位下內藏

頭加首服于公前賜偏諱曰齊輝更賜豐後實行鍛

刀一口。松陰年錄二十一日天皇遷祀平野神于正

殿。野史二十六日德大寺右大臣實祖罷右大臣

鷹司公權大納言政通任右大臣花山院內大臣兼

右近衛大將愛德罷二條公權大納言齋信任內大

臣兼右近衛大將野史三月五日天皇遷祀吉田

神于正殿野史十三日故紀伊候德川重倫郎災

遣使唁焉文化日記四月七日賜謁于塙保已一以

積歲校典之勞也高檢校由緒書十五日京都所司代

酒井忠進為老中參取松陰年錄文化武鑑十七日當東照

公二百年忌辰遣茂根城主伊井直亮高田城主柳

原政令于日光修法會天皇亦遣近衛公左大臣基

前及六條前權大納言源有庸山科前權大納言藤

原忠言甘露寺前權大納言藤原國基德大寺權中

納言藤原定賢日野前權中納言藤原資愛四辻前

權中納言藤原公說飛鳥井參議藤原雅光萬里小

路充大辨藤原建房梅溪中將源通訓等菴焉公每

想東照公創業之難祭日輒命侍臣讀前史記東照

公言行者莊聽之參取見開鈔御實記十八日

大阪城代大久保忠真為京都所司代寺社奉行松

平輝延代之參取松陰年錄文化日記三十日當有章公百

年忌辰修法會于增上寺松陰年錄五月朔日法親

王青蓮院尊英梶井常仁來聘執謁文化日記七日

公及西城公觀飛鳥井雅光蹴鞠于白書院雅光家

世以蹴鞠鳴于公卿間云參取蕉陰若十一日

天皇詔改植南殿橘樹野史是日公聽東下諸王

人奏管弦文化十四日公觀諸王人奏舞樂命

三宗蕃及列侯陪觀焉松陰十六日諸王人西

歸遣老中牧野忠精贖銀千錠綿五百苞于近衛公

尤大臣基前松陰二十八日奏者番青山幸孝

兼管寺社奉行參取松陰六月五日籍歿小

普請森茂太郎以失心手及義子直之丞也松陰

二十六日側室本輪夫人高木氏生女琴姬參取

松陰二十七日命京都所司代大久保忠真

大坂城代松平輝延鎮戍京坂不論原秩多寡任職

中別賜一萬石爾後著為令典松陰是月山城

大和伊勢紀伊羨濃大水參取野史七月十七

日賜金一萬兩于對馬國主宗義質以朝鮮凶飢也

宗氏世司接鮮封地無米仰給於鮮近歲鮮地連飢

因賜此其臣嘗有一奇士慨然曰我愧生堂々之神

易食殊域之米粟種麥躬耕鬻其俸換以他物終身

不復食鮮粟云冬取松陰八月十三日老中

土井利厚召棚倉城主小笠原長昌曰卿宗家小倉

城主小笠原忠固老臣小笠原出雲執政多偏私闔

藩怨望是由忠固專任之罪也。宜削封以責其罪。大
君追念遠祖秀政之忠死而特枉刑章怒之。卿代告
台命於是。忠固杜門謝罪。錄。文化。日。陰。年。記。十五日
側室速成夫人曾根氏生男久五郎。錄。參。取。松。陰。年。表。
九月二十一日。元姬文姬並謁山王廟。文化。日。記。
十月十日。天皇方盛化門院忌辰。修法會于清涼殿。
野。史。十六日。日光大廟五層塔災。老中酒井忠進
修之。蓋以其二世祖讚岐守忠勝所建也。松。陰。年。錄。
十七日。側室真行夫人中野氏生女仲姬。參。取。大。平。年。表。松。陰。
二十八日。故勘定奉行根岸肥前守鎮衛卒。年。錄。

為人明敏果斷。數平冤獄。案牘益簡。先是。有一盜繫
獄。百方詭秘。不服其罪。而日鎮衛呼其妻。痛加廉訊。
妻俯伏泣曰。妾夫行不良。固不謀妾。無由識之。縱令
識之。言一發妾口。是使夫陷罪也。若吐實。則損夫。否
則誣上。進退維谷。寧與夫就刑耳。其辭氣有感動人
者。鎮衛特恤其妻。減夫罪一等云。參。取。雲。帆。小。錄。口。碑。輯。錄。
十二月四日。鷹司公右大臣政通罷。左近衛大將二
條公內大臣兼右近衛大將齊信轉左近衛大將。三
條權大納言藤原公修兼右近衛大將。野。史。四。年。二十
八日。故寺社奉行松平乘寬復職。參。取。松。陰。年。錄。文。化。武。鑑。

是歲有外夷船飄抵薩摩屬嶋夷人齋書數通文曰
欽差嘉定城總鎮掌左軍郡公朱嘉隆十四年正月
二十三日嶋吏不審其為何國人既而研詰之安南
人也洞卷新論芝山前權大納言藤原持豐薨參取
賦雲
小錄書画其書
早引一覽
十三年丙子正月十一日琴姬卒蓋曰淨薰夫人
參取
大平年表
松陰年錄
守文記三月朔日故神戶城主本多丹後守忠
永設尚齒會于其邸蓋倣唐白居易尚齒會宋富弼
耆英會及本邦清原元輔尚齒會故事也會者菊池

貞翁年百三歲田中權十郎年百歲櫻井喜内年九
十六歲田中延壽齋年九十四歲龜山一古年九十
二歲矢野三無九十二歲市川了知和年九十一歲俛
忠永九十三歲總計為人八名為年七百七十一歲
參取松陰年錄口碑輯錄
暮春白河尚齒會和歌序
十日側室本性夫人
吉江氏卒參取松陰年錄
崇唐祭名錄十一日公任右大臣
西城公任右近衛大將天皇遣傳奏使六條前權大
納言原有庸山科前權大納言藤原忠言賜宣命參取
御次第書大平
年表松陰年錄
十八日梟二賊于長崎清高假
館門前以去冬二賊殺清高奪船載諸物故也長崎
雜記

四月十五日有豆降豐前中津

筆之須
佐羨

十

六日遣老中酒井忠進牧野忠精土井利厚等賜時

衣于紀伊侯德川治寶尾張侯德川齊朝常陸陸常侯德

川治紀故紀伊侯德川重倫常陸侯世子德川齊修

加賀國主前田齊廣橫綱于越前國主松平治好薩

摩國主嶋津齊與父齊宣祖重豪並以轉任也參取
松陰

年錄文二十一日遣會津城主松平容衆河越

城主松平直温及高家織田主計頭信由中條河内

守信義于京都謝叙任之恩松陰
年錄是月西城小

性新見正路角毬于雉子橋門馬將誤為同寮馬所

蹴傷膝艱步不朝者數日及愈公適臨西城特召正

路曰試技有勝敗常理也縱令毆傷身體不為不孝

然汝曩乘血氣試騎于悍馬奮躍之間是所以被重

創也被創殞躬汝雖欲盡忠於孤可得乎爾後騎馬

須進退安詳以養沈勇矣正路感泣不能答御實
記

五月朔日紀伊侯德川治寶叙從二位任權大納

言參取松陰年
錄文化武鑑十九日伊勢桑名郡吉野村女

生四足男參取大平年
表松陰年錄七月二十四日薩摩人

護送廣東漂客船一隻于長崎二閱月附定額船返

之長崎
雜記八月三日畿内大水松陰
年錄二十六

日一橋候德川齊敦薨。蓋曰嚴恭公。齊敦與公友愛尤篤。及薨。公痛惜焉。參取御實記見聞鈔。崇禎祭名錄。松陰年錄。芸窓小錄。清々舎

譜日是月。賜米一萬石于對馬國主宗義質。松陰年錄

閏月三日。大風雨。見聞鈔二十二日。常陸候

德川治紀薨。蓋曰武公。遣老中青山忠裕。賜賻銀五

十錠于嗣侯齊修。如故事。參取忌日便覽。崇禎祭名錄。松陰年錄

十月十三日。老中牧野忠精免職。松陰年錄二十三

日。西城公元妃有栖川氏生女。本日卒。蓋曰最玄夫

人。崇禎祭名錄十一月二日。伊豆松壽海溢。民戶覆

歿多溺死。和漢年契二十八日。清水候德川齊順。為

紀伊候德川治寶嗣。公嘗得二十一史完好無比。齊

順深欲得之。公心知之。未賜也。公一日。賜坐祭酒林

衡。話及此。衡曰。殿下苟欲得之。易々耳。今清水候讀

書。注意史冊。須賜此以輔候志也。公曰。然。乃賜之。是

行齊順。猶携其書于紀郎。蓋以出特賜也。參取松陰年錄。清々

舎日是月。松平筑後守正名為西城側衆。武鑑

十二月三日。公子保之丞。嗣清水府。松陰年錄

十六日。天皇修安鎮法於櫻町殿。野史是歲。英吉

利人來我附庸琉球。乞互市。不許。見聞鈔故輔佐

松平定信游覽松嶋。蕉陰若詰

十四年丁丑正月十九日寄合仙石監物政和猷其
校刺菅公類聚國史二十七冊并考異三冊賜時衣
三襲賞之參取猷書扣松陰年錄清々舎日譜芸窓小錄二月二日儒
員古賀樸歿樸言行嚴正不假人以色而惇々授徒
碩儒多出門如齊藤正謙牧原直亮篠崎弼艸場麟
安部居聚野田逸其選也參取古賀精里行實芸窓小錄二十
日側室皆善夫人土屋氏生男信之丞參取大平年表松陰年錄
二十六日天皇遣使賜有章有德惇信俊明及
孝恭五公庶額各四大字宸翰松陰年錄二十八日
天皇改植南殿橘樹野史三月二十一日京都雨

電大如木榑子和漢年契二十二日天皇禪位于皇
太子惠仁是日天皇遷居于櫻町殿閱三日上尊號
曰太上天皇公遣高松城主松平頼儀于京都上賀
參取松陰年錄野史二十四日尊先帝為太上天皇帝皇畧譜
四月朔日有食之曆叢是日天皇賜公黃櫨
袍單衣大裾于公各一襲賞即位之供費加旧典也
松陰年錄五月三日課安藝國主淺野齊賢姫路城
主酒井忠實一關城主田村敬顯小城邑主鍋島直
堯等後東海道諸川文化日記八日生母岩本氏卒
葬于寬永寺謚曰慈德夫人崇廟祭名錄二十三日

仲姬卒。蓋曰華成夫人。參取松陰年錄。大平年表。二十九日。

淑姬薨。蓋曰清湛夫人。尾張侯德川齊朝妃也。參取大平年表。

陰年錄。六月十六日。公子信之進卒。蓋曰影幻

公子。參取大平年表。松陰年錄。是月。豐前守土岐朝吉為側

衆。朝吉為公所深知。恩寵加隆。掌樞密。其極至老中

不能措手焉。參取文化武鑑。蕉陰茗話。七月二十五日。寺社

奉行內藤信敦為本城若年寄。參取松陰年表。文化武鑑。八

月十五日。老中松平信明卒。蓋曰瑞龍公。信明嘗謂

人曰。權字固非一人專弄之具也。古今柄臣債事未

嘗不由侵斯戒也。其人唯々而退。信明行實不食言。

參取松陰年錄。芸志小錄。二十三日。寺社奉行阿部正精為

老中。側用人水野忠成為老中格。參取松陰年表。文化武鑑。

是月。奏者番濱田城主松平周防守康任。兼管寺社

奉行。文化武鑑。九月十四日。移封棚倉城主小笠原

主殿頭長昌于唐津。唐津城主水野元近將監忠邦

于濱松。濱松城主井上河內守正甫于棚倉。參取松陰年錄。

文化日記。文化武鑑。見御鈔。十八日。公子乙五郎為因幡國

主池田齊稷嗣。命記號用葵章。公子銀之助為津山

城主松平康孝嗣。松陰年錄。是日。側室真行夫人中

野氏生女末姬。參取松陰年表。大平年錄。二十一日。皇太子

惠仁即位。是為仁孝天皇。天皇慈仁好學。遍讀和漢史書。日野准大臣資愛。一日侍禁幄講資治通鑑。天皇曰。司馬光與朱熹其學優劣何如。資愛對曰。善哉。陛下之問也。人有能有不能。光則精史。熹則明經。雖然。至立朝。有本末。均為大賢君子。固非臣資愛所敢軒輊也。陛下並得而師之。實蒼生之福也。天皇稱善。
參取野史雲上明 是月。皇女城宮生。東京極院。
鑑。日野南洞公碑 出也。
史。野 奏者。番水野忠邦兼管寺社奉行。
武。化 津山城主松平康孝。先是。其啓行雙箱彩金画葵章。

覆以朱革。至此。徹其革。以標葵章。
松陰年錄 十六日。公子久五郎卒。謚曰淨門公子。
參取松陰年錄。大平年表。崇徳祭名錄。 十一月二十二日。江戸有石聲如轟雷。墜武藏八王子橫山驛。長三尺。幅七尺餘云。
武江年表 二十一日。徒頭吉江。充門隊下士原三右衛門善猷。其著先哲叢談四卷。賜銀五錠賞之。
參取先哲叢談。猷上日記。原善墓碣銘。 十二月二十二日。書物奉行近藤重藏守重猷。其著御本日記。附錄附註三冊。御本日記續錄三冊。御寫本譜一冊。御代々文事表二冊。御詩歌一冊。賜銀十錠賞之。
御本日記 二十七日。貸金五千兩于薩

摩國主嶋津齊興以琉球連飢故也文化十四是月

故關白鷹司公充大臣政熙女為皇后野史指其無狀

其時有日...

...

...

...

...

...

...

...

...

...

明治十二年七月以五弓豊太郎蔵本謄寫

校合



